

CICIKOANBÁDIEGU

BULICINA FASO

Ti baa dógú pò, li yaa dani kúuma, ti baa paadí

GUFENEMA MASOAGINDO

**BÀALÓ KOANBÁLA TÁÁNLI
JÁGA DOAGIDIMA**

(PP-G N°015-2026)

Pengidiwende Silibeedi WEDIRAWOGO

Wagidugu, li binli 2026 cimuu dana 07

Báaló Koanbála táánli den kàli Wagidugu
nani ban mááni ki tiédi màamà dana lele kúli,
li binli 2026, cimuu dana 07, alaamuda daali
ki cili leeri 9 yogunu ki ban gbeni leeri 13 leni miniti 57,
Kapitenni Ibirayimi TARAWORE, yua n tié ti Diema Yudanciamo
leni a Koanbála Táánli Lìgìyúa n den gobidi laa táánli.

A Koanbála Táánli den noanli li daali máyùla nni
ki tàà a jága, ki púni i làabáali,
ki dini bi niba a bála li tuonli pò,
ki púni u sànú bi niba n gedi dietoama nni ti diema yèli pò.

I. A JÁGA

I.1. YAA KOANBADIEGU N DIE U LOAGU LENI I LIGI KUBIMA TUONA KANI.

A Koanbála Táanli tàà **Tiwaankaana naa (04).**

Li tiwaankakpiali tuugi leni Bulicina Faso Gufenema n mia Depiteenba n páa u sanu Bàaló n tùó Bulicina Faso leni li ñandunli nni mi findima tantaancagili (IDA) n den ñii li panli sieditili yaali ke li lanba tie n°79810-BF, li binli 2026, citaa dana 15, yàala n tie Bulicina Faso nni, bu kpaabu lebidima tuona ligi bààma (OYATA-BF) pò.

Bulicina Faso nni, bu kpaabu lebidima pò, yaa tuona n baa soani ligi kuli tááni ki tié **K 104 405 000 200 Seefa ligi nni.** Laa ligi nni li ñandunli nni mi findima tantaancagili n baa ñani yaa ligi tié **K 83 760 115 400 Seefa ligi nni.**

Bulicina Faso nni, ban lingi yàala moala ne bu kpaabu lebidima tuona yaa baa soani yeni nni tie ki pugini li koobààli leni ku kpaangu páalu u yogunu lebidima pàka nni ki gó teni bu kpaabu tuona n yaa cuoni ke bi kpakpaaba moko kuli bààdi i ligi todima bu kpaabu tuona pò.

Laa tuona baa soani ne leni bina muu (05), ban guu yaala laa tuona soanma n mo ne :

- ki kaani li tuonli masingbenga (yaa masina n kpai) leni ti tuonsoanbiaciandi tuonsoancagili ;
- ki tieni i koañinsani yaa koafanma nni n pundi baabiciami (ha) 3 900 ;
- ki teni kominninba taataatuona tuonsoanba (HIMO) n tieni yaa koabaari nni n pundi baabiciami (ha) 1 800 mi ñima sedi kaani bu kpaabu pò ;
- ki maa ku kpaangu bilima pò kaanciami 02 ke kaanu kuli baa fidi ki gáá yaa kpaangu n pundi tonninba 400 000 Wagidigu leni Bobo-Julasso dociami nni ;

- ki todi yaa niba n guani ki kali bi koajaana nni leni yaa niba n den tié Yùcéli yanbuama jakoanda u báadogu koaguudima pò (VEDEPENBA) i ligi bu bukpaabu tuonbila 800 soanma pò ban bàà li nakubili bi yema nni.

Laa tiwaankaali tààma bàà teni Depiteenba n pàa u sanu Bàaló n tùó Bulicina Faso leni li ḡandunli nni mi findima tantaancagili (IDA) n den ñii li panli sieditili yaali, yàala n tie Bulicina Faso nni, bu kpaabu lebidima tuona ligi bààma (OYATA-BF) pò ke li yegi leni li báli máama ban den ñani yaama li binli 2025, piiga n cilie dana 29, ke mi lanba tié n°023-2025/ALT, ki waani ke li pia u sànú Gufenema n yen mia Depiteenba n tùó Bàaló leni o todikaaba n yen ñii mi maadidaginma tila ki bàà i ligi a tuonsoanma pò.

Li tiwaankalieli tuugi leni yaa **maadidaginma tili** n baa teni Gufenema n mia Depiteenba n pàa u sànú Bàaló n tùó bu pàabu sieditili, Bulicina Faso leni Afiriki dogi findima licagili (FADI) n den ñii yaali ke li lanba tié n°2100155044177 leni bu ligiledibu sieditili, Bulicina Faso, FADI leni Afiriki dogi findima banko (DADI) n den ñii yaali ke li lanba tié n°5900150004501. Laa sieditilieda den ñii li binli 2026, citaa dana 11 ku kpaangu puginma tuona soanma tonma ligi bààma pò Bulicina Faso nni « **Lijeeguoli** » yantiali sanbili nni.

Yaa tuona n baa soani tonma mi taabualiema ku kpaangu puginma pò Bulicina Faso nni ligi kuli táani ki tie **K 60 043 028 480 Seefa ligi nni**. Afiriki dogi findima Banko leni ti diema n baa táani ki ñani laa ligi.

Ban lingi yaala ku kpaangu puginma tuona soanma tonma nni tie ki teni ban gandi ki baa ko yaa bonbuoli n cuani li jeeguoli mi diema nni.

Lani n bua ki yedi ke bi sugini ki teni bi kpakpaaba n yaa bààdi bu kpaabu bonbuoli leni yaa bugidi n dagidi u yogunu kuli, ki pugini bi kpakpaaba tuonsoanbanma ki gó ḡanbi ki bogini bu kpaabu tuona sanbila.

Laa tuona pò, ban gúú yaala ñama tie:

- ki bàà ti nasaalibugidi tonninba 68 700 ;
- ki bili ki gó ñanbi ki guudi ti nasaalibugidi tonninba 56 700 lan teni ti bugidi dungkuadikaaga n dati dò;
- ki bàà ti bugiboandi tagima tuonsoandiegu pò ti tuonsoantiadi yaadi yaa ligi n pundi miliyaadi 4,7 Seefa ligi nni;
- ki bàà i muuli, sosaa (i bonpienjuoni), alikama, a kokoda leni idi bonbuoli tonninba 10 087 ;
- ki maa ku kpaangu bilima kaanciami 04 ki gó dàà li tiadi ke kaanu kuli baa fidi ki gáá tonninba 15 000 Bobo-Julaso, Kudigu , Siniare leni Kupeela dogi nni;
- ki maa ku kpaangu bilima diebila (magasenba) 05 ki gó dàà li tiadi ke diebili kuli baa fidi ki gáá tonninba 500;
- ki dàà ku kpaangu bonbuoli leni ti bugidi tugima pò biadi 30;
- ki kò i muuli tonninba 725 000, a kokoda tonninba 1 300 000, a tuuna tonninba 28 500, i bonpienjuoni (sosaa) tonninba 24 000, i di (i coari) tonninba 71 000 leni alikama puginma tonninba 1 000.

Laa tiwaankaali tàama bàà teni Depiteenba n páa u sanu Bàaló n tùó ti diema leni Afiriki dogi findima licagili (FADI) ki gó pugini leni ti diema leni FADI leni Afiriki dogi findima banko (DADI) n den ñii bu pàabu leni bu ledibu sieditila ya li binli 2026, citaa dana 11, bu kpaabu lebidima leni ku kpaangu puginma tuona ligi bàama pò ke li yegi leni li báli máama ban den ñani yaama li binli 2025, piiga n cilie dana 29, ke mi lanba n tié n°023-2025/ALT, ki waani ke li pia u sànú Gufenema n yen mia Depiteenba n tùó Bàaló leni o todikaaba n yen ñii mi maadidaginma tila ki bàà i ligi a tuonasoanma pò.

Li tiwaankataali tuugi leni yaa **maadidaginma tili** n baa teni Gufenema n mia Depiteenba n pàà u sànú Bàaló n tùó bu ledibu sieditili yaali yaa lanba n tie à n°2026 022/PR BF 2026 06 00, Bulicina Faso leni Afiriki Nintuali dogi findima banko (BOADI) n den ñii yaali li binli 2026, citaa dana 27 yaala n tie li binli 2026 ki gedi 2027 kunkunkpaabu ligi boagidima bààma pò.

Bu kunkunkpaabu findima tuona kuli táani ki tie **53 200 000 000 Seefa ligini**. Laa ligi nni, Afiriki Nintuali dogi findima banko n baa teni yaa ligi li pànli tie **50 000 000 000 Seefa ligi nni**.

Laa ligi n baa soani yaa tuona baa todi mi diema nni ti kunkunkokaadi n pugini, ki gó teni bi kunkukpaaba n jaligi ki bàà i kunkunbi, ti bugudi leni u kunkunñoagu li binli 2026 ki gedi 2027 siagu kunkunkpaabu pò.

Laa ligi n baa todi ban soani yaa tuona tie:

- ki dàà i kunkunbi, ti bugidi leni u kunkunñoagu ke li kuli tánma tie tonninba 120 000 bi kunkunkpaaba pò;
- ki kò ki bàà ki pugini ti kunkundi lan cie tonninba 300 000 nani ban mààni mààmà ki pundi tonninba 550 000 li binli 2026 ki gedi 2027 kunkunkpaabu pò;
- ki teni ti kunkundi n pugini mi diema n kuadi yàala dotoe nni yaala n pundi kobiga yùli po 26,67% ki go pugini a koajààna nni bi kunkunkpaaba ligibààma yaala n pundi kobiga yuli po 47,7%.

Yaaba n baa bàà laa ligi todima tie a kunkunkpaala, a tataancàaga, a koajaana nni kunkunkpaaba, leni yaaba kuli n tuuni ti kunkundi tuonli ki ye Giriko, Nando, Joro, Bankuyi, Suuru leni Tannuyan desiyonba nni..

Laa tiwaankaali tááma baa teni Depiteenba n pàa u sanu Gufenema n tùó Bàaló n den ñii yaa ledibu sieditili leni Afiriki nintuali dogi findima banko li binli 2026 ki gedi 2027 kunkunkpaabu ligi boagima bààma pò ke li yegi leni li báli máama

ban den ñani yaama li binli 2025, piiga n cilie dana 29, ke mi lanba tié n°023-2025/ALT, ki waani ke li pia u sànú Gufenema n yen mia Depiteenba n tùó Bàaló leni o todikaaba n yen ñii mi maadidaginma tila ki bàà i ligi a tuonasoanma pò.

Li tiwaankanaali tuugi leni **ban bogini yaa másienkaama tili** ki waani ke Bàaló bàà wan baa diedi yaa tinfanma man tua mi diema niba kuli bondiedikaala ki jaligi ki maa FASO YAARI tuonsoanjaali daadiena maama po leni laa tuonsoanjaali tiadi daama po Wagidigu dogu nni mi diema niba kuli yema ñamu pò.

FASO YAARI tuona soanma pò, Bàaló taa li jágili ki baa bogini ki laa tuonsoanjaali tuona càga càga ki baa ki maa yaa diena n dagidi ti tiadi bilima leni ti tugima pò, leni ti guunli pò. Laa diena maama n baa doagidi ke FASO YAARI tie mi diema loagu tuonsoanjaali yo mi diema niba ñamu po.

Bi mali ki gandi mi tinfanma kaani taa Wagidigu dogu nni FASO YAARI daadiena maama po. Lani n tie :

- sekiteeri 9 nni yaa tinfanma yaa lanba n tie 19, sekisiyon 412, lo 08, pariseli 02, yaa fanma n pundi metiri kaare (m²) 178 018 ;
- sekiteeri 21, yaa tinfanma yaa lanba n tie sekisiyon 89 (EN), lo 02, pariseli 03, yaa fanma n pundi yaa fanma n pundi metiri kaare (m²) 38 712 ;
- sekiteeri 18, yaa tinfanama yaa lanba n tie sekisiyon 222 (E1), lo 23, pariseli 03, yaa fanmapundi metiri kaare (m²) 29 539

Laa masienkaama tili bua ki teni FASO YAARI tuonsoajaali tuona n jaligi ki cili bi niba yema ñamu po lan teni yaa tuonsondiedi n ye moala ne laa kaantaadi fanma nni n baa ki ña li kani tonma yaa tuona n bua ki soani n cili.

Laa masienkaama tili táama baa teni Bàaló n baa ki diedi ban gandi yaa tinfanma man tua mi diema niba kuli bondiedikaala FASO YAARI daadiena jaligi-maama po Wagidigu kominno nni.

I.2. YAA KOANBADIEGU N DIE TI DIEMA LENI DIETOAMA SIIGA NANTAADI kani

A Koanbála Táanli tàà **tiwaankayenli** ke li tuugi leni Somali diema miabu mi tondo cuama Bulicina nni laa dieliedima siiga nantaadi po.

A Koanbala Táanli tùó ke o joa **Jama Hasan KALIFI** n tua Somali diema tondo Bulicina faso nni laa dieliedi siiga nantaadi po, ki yaa ye Juba Sudan di Sudi n diema nni.

I.3. KU DIEGU YEMA LENI TORIYABA KOANBADIEGU KANI

A Koanbála Táanli tàà **másienkaama tili yenli** ki waani laa koanbádiegu n bogini màamà.

Li binli 2026, cile dana 12, bi den taa mi másienkaama tili yaali yaa lanba n tie n°2026-0006/PF/PRIM ki guani ki lebidi Gufenema koanbála. Laa másienkaama tili nni li doagidi ke yaa koanbádiegu n den die mi niñingbadima leni toriyaba tuona mi diema nni lebidi yèli ki ji tùá ku diegu yema leni toriyaba Koanbadiegu. Moko, mi másienkaama tili yaali yaa lanba n tie n°2025-1545/PF/PRIM, ban den taa yaama2025, piiga n cilie 1 daali ki waani ti koanbádiedi n gagidi ki bogini màamà, leni yaa másienkaama tili lanba n tie n°2026-0042/PF/PRIM, ban den taa yaama li binli 2026, cilie dana 02 ki waani Gufenema Koanbala puoga n tie ya, bi sua ke ti koanbádiedi boginma nni, mi ledidima cianma tieni. Lani yaapo n teni ke bi guani tiladi ki doagidi canyi koanbadiegu kuli boginma sanbila tili.

Mine másienkaama tili bua ki teni ku diegu yema leni toriyaba koanbádiegu mo n bàà ku boginma sanbila tili ke li tuugi leni yaa lebidima n kali ku niinni, lan gó

teni laa koanbadiegu tuona n yaa yegi leni bi niba n sugini yàala u tááyenamu leni toriyaba tuona nni.

Laa másienkaama tilin ni, li boncànla yaala n tugi yùli tie :

- toriyaba leni bi niba todima tuonsoandieciangu yèli lebidi ki ji tua toriyaba leni bi niba juunli tuonsoandieciangu, bi ya koabigi li yèli ban yedi «DESESERI » ;
- mi niñingbadima leni bi niba todima tuonsoandiegu yèli lebidi ki ji tua bi niba juunli mi yema nni tuonsoandiegu;
- deparitemanba leni i dociami jaaciamama nni ku diegu yema leni toriyaba tuonsoandiedi cilima ;
- mi yanduanma leni u tááyienu findima tuonsoandiegu kani, bi baa kaani ki pugini yaa tuonsoandiegu n baa yaa die mi yema tuona kpaagiboginma, ban yi yaagu bi yaa koabigi li yèli « DEPE » .

Laa másienkaama tili táama baa teni ku diegu yema leni toriyaba koanbádiegu n bàà ku tuona boginma sanbila tili ki fidi ki yaa tuuni ku tuona ke li dagidi.

I.4. YAA KOANBADIEGU N DIE TI BUUDI TUONA KANI

A Koanbála Táanli tàà **másienkaama tila lie (02)**.

Mi másienkaama tikpiali waani ban baa gandi màamà yaa niba n baa yaa ye ku màásùàgu bujjali caga nni.

Li tie yaa másienkaama tili n baa teni yaa báli máama n den taa li binli 2026 , cile dana 14 ke mi lanba tie n°003-2026/ALT, ki waani ku màásùàgu bujjali caga ban yi ya mi muarima nni « FASO BON-KAWORE » cilima, laa báli máama nni a ñoamabona 11 leni 34 n bili yaala n tieni. Laa ñoababona nni, li doagidi canyi ke « FASO BON-KAWORE » tie ku màásùàgu bujjali cagili yaali n baa yaa gobidi ki go ja ti buudi a dobila nni leni i dociami jaana nni Bulicina

Faso nni. dojaali kuli yen baa gandi yaa niba n baa ye laa bujiacàga nni nani mi mààsùàgu bogida n bili màamà.

Laa másienkaama tili táama baa teni laa báli máama n bili yaala n tieni lan todi bi niba n yaa bààdi bi paka buudi jama ke li tuugi leni tin mali ki sua màamà.

Mi másienkaama tilieli waani Bàaló bujiacàgili cilima, li boginma leni lin baa yaa cuoni màamà.

Yaa másienkaama tili n tie ne bua ki teni ban den ñani yaa báli máama li binli 2925, piiga n cilo dana 21 ke li lanba tie n°2025-019/ALT, ki waani Bàaló bujiacàgili masienkaama tili n bili yaala Bàaló buudi pò yaa tiendi. Li báli máama nni, li doagidi ke moala ke Bàaló bujiacàgili ji tie tuonsoandiegu yo ke ti buudi koanbadiegu mo baa yaa gobidi gu.

Li boncanla yaalan tugi yuli mine másienkaama tili nni tie :

- ki kaani ti tuonsoandiedi nni Bàaló bujiacàga ;
- ki pugini Bàaló bujiacàga nni a tuona nani mi làabáalitenma tuonli leni ti tuonsoantiadi kubima tuonli ;
- ki kaani yaa càgili n baa yaa todi Bàaló bujiacàgili n yaa kuandi i ligi Bàaló ligikpagu nni.

Laa másienkaama tili táama baa teni Bàaló bujiacàgili n baa ki yaa tuuni li tuona ke li dagidi nani lan bili màamà li báli máama yaama yaa lanba n tie n°2025-019/ALT, ban den ñani yaama li binli 2025, piiga n cilo dana 21.

I.5. YAA KOANBADIEGU N DIIDI ENTERINETI, A TISOANKAANA TUONSOANDIEDI LENI TANKALAFO TUONA KANI

A Koanbála Táanli tàà **masienkaama tili yenli** ki waani laa koanbadiegu n bogini màamà.

Mi másienkaama tili yaali yaa lanba n tie n°2025-1545/PF/PRIM, ban den táa yaama 2025, piiga n cilie 1 daali ki waani ti koanbádiedi n gagidi ki bogini

màamà, leni yaa másienkaama tili lanba n tie n°2026-0042/PF/PRIM, ban den taa yaama li binli 2026, cilie dana 02 ki waani Gufenema Koanbala puoga n tie ya, doagi ke ti koanbádiedi boginma nni, mi ledidicianma tieni. Lani yaapo n teni ke bi guani tiladi ki doagidi canyi koanbadiegu kuli boginma sanbila tili.

Mine másienkaama tili bua ki teni yaa koanbadiegu n diidi enterineta, a tisoankàana tuonsoandiedi leni tankalafo tuona mo n bàà ku boginma sanbila tili ke li tuugi leni yaa lebidima kali ku niinni.

Li boncanla yaala n tugi yuli mine masienkaama tilin ni tie :

- enterineta, a tisoankàana leni tankalafo tuonsoandieciangu guari boginma : moala laa tuonsoandieciangu tuonsoandiebinaada (04) guani ki taani yenma ki tua tuonsoandiebila taa (03) ;
- telenba tuonsoancàgili ban yi yaali ESITEBE yeni guani enterineta, a tisoankàana leni tankalafo tuona koanbadiegu pó.

Laa másienkaama tili táama baa teni Yaa koanbadiegu n diidi enterineta, a tisoankàana tuonsoandiedi leni tankalafo tuona n bàà ku tuona boginma sanbila tili ki fidi ki yaa tuuni ku tuona ke li dagidi.

I.6. YAA KOANBADIEGU N DIE MI TAGIMA TUONSOANDIEDI, U KPENDU LENI U NUU TUONSOANBANMA TUONA

A koanbala taanli taa **masienkaama tili** yaali n tuugi leni u nuu tuonsoanbanma tuona badu li ñandunli dogi po Wagidigu nni (SIAWO).

Bàaló saliwudo gobidima tuonsoandiedi taancianli li piilie n bonmuudili (25) taanli yaali n den kali li binli 2024, cinii o dayenli daali den taa li jagili ke ban guari ki noanli Bàaló tuonsoandiedi mabilikaama tila ki fidi ki ñanbi ki pugini Bàaló ñalimano kubima leni Bàaló tuonsoanjaana kuli nni.

Laa masienkaama tili tuugi leni ban taa yaa jagili ñoadima.

Li boncànla yàala n tugi yùli laa másienkaama tili nni tie :

- yaa cagili n baa yaa diidi Bàaló tuonsoandiedi tiadi cilinma ;
- mi tuonbanma leni mi todima tuonsoandietoadi u nuu tuonsoanbanma tuonsoankaani táanma pò cilinma;
u nuu tuonsoanbanma tuona badu li ñandunli dogi po Wagidigu nni (SIAWO) tuonsoandieciangu n soani yaaba SIAWO tuona boginma cágili yeli po coali wadima ;
- yaa báli máama n tuugi leni Bàaló tuonsoandiedi yaadi n diidi mi diema loagu sienu n bili màamà (EPKI) tigobidikaali puginma.

Laa masienkaama tili taama baa todi u nuu tuonsoanbanma tuona badu li ñandunli dogi po Wagidigu nni (SIAWO) tuonsoandiegu n baa a tipaana ki pugini ku báli máama tila paalú.

I.7. A BICEGIDIKÀANA CÓGÚ LENI MI TUONSOANBANGIMA KOANBADIEGU KANI

A koanbala taanli tuo **mi masienkaama tili** yaali n tuugi leni Koleesi cógú leni Lise cógú boginma.

Laa masienkaama tili tie mi masienkaama tili n°2008-373/PRES/PM/MESSRS yaali ke bi den taa li li binli 2008, cilele dana 02 ke li tuugi leni a bicegidikàana cógú boginma.

- Li boncànla yàala n tugi yùli laa másienkaama tili nni tie :Koleesi cogibila taanma/kuanma ;
- ban puni a cogibila u sanu ke bi baa fidi ki yaa tiendi mi biigima leni u nuu tuonbanma yaa biigima ;
- a cogibila nuu tuonsoantiadi kuadima n mali yaa ligi taanma Koleesi cogibila leni Lise cogila ligitodike nni.

Laa masienkaama tili doagidi gufenema n pia yaa nunlema moala nne ke li tie ki pegidi a cogibila boncianla n tuo ki kuani bi yula mi tuonsoanbangima nni.

Laa masienkaama tili taama baa teni a bicegidikàana cogi n baa yaa tipaana n baa todi a tuona boginma po.

Laa masienkaama tili taama baa todi ban yaa pia yaa tipàana n baa pugini Koleesi po cogu leni Lise po cogu tuona boginma fidu.

II. I LÀABÁALITENKE

II.1. Yaa koanbali n die ti diema tinbuona gobidima leni a sancena tuona puni a Koanbála Táanli yaa làabáalu n tuugi leni ban taa yaa jaga ke a tuugi leni ban bogini ki guu ke yaa tañima n baa jiidi yaa yogini n tie ne taanma nni : Cilioba-Cilele-Cinii, Cilele-Cinii-Ciyia leni yaala n tie li binli 2026 nni ku siagu leni u yoguntentema lebidima n baa yaa tié màamà.

Yaali n tie li binli 2026 nni, Ciluoba-Cilele-Cinii yogunu, tin baa yaa guu yaa tañimoanma (ke mi nagini leni 1991-2020 yogunu tañindaginma) àmá ki nan baa bua ki poadi (ki wa ki cie 1991-2020 yogunu tañindaginma) yaala n tie Giriko, Bankuyi, Suru, Yaadega, Sunmi, Lipitaako, Kulise, Siriba, Ubiri, Kadiewogo leni Tannuñan, Nando, Nasinon, Nakanbe leni Gulimu desiyonba nni najieni pó.

Yaala n tie Joro, Tapua desiyonba nni leni Tannuñan, Nazino, Nakanbe leni Gulimu desiyonba nagani po, ti baa yaa guu ti tapoari (ki wa ki cie 1991-2020 yogunu tañindaginma) ki nan ban bua ki dagidi (ki kuu leni 1991-2020 yogunu tañindaginma).

Yaala n tié li binli 2026, Cilele-Cinii-Ciyia yogunu, ti baa yaa guu yaa tañima n baa dagidi (ki kuu leni 1991-2020 yogunu tañindagidima) àmá ki nan baa bua ki poadi (ki wa ki cie 1991-2020 yogunu tañindagidima) yaala n tié Bankuyi, Suru, Yaadega, Sunmi, Lipitaako desiyonba nni, Kulise, Siriba, Ubiri, Kadiewogo desiyonba leni Nando, Nazino, Nakanbe, Gulimu leni Tapua desiyonba najieni po nni.

Yaala n tie Giwiriko, Tannuñan, Joro desiyonba nni leni Nando, Nazino, Nakanbe, Gulimu leni Tapua desiyonba nagani po nni, a tañinpoada ki nan ban bua ki dagidi baa tieni.

Ku siagu yoguntentema tuada ban bogini ki guu ke yaa tañima n baa jidi kani yaala n tie li binli 2026 siagu po, li wangi ke ki taaga kan cili tonma (1991-2020 yogunu siagu n den cili yaa dana yogunu puoli) yaala n tié Tannuñan, Joro, Gwiriko, Nakanbe, Nazino, Bankuyi, Nando, Gulimu, Tapua, leni Siriba, Ubiri leni Kadiewogo nagani boagidima nni.

Yaala n tié Suru, Kulise, Yaadega, Sunmi leni Liptaako, Sirba, Ubiri, Nando, leni Kadiogo najieni boagidima nni, ku siagu cilima baa yaa nanli leni ku siagu

bonceli tuonsoancagili nni, n baa u kaanu ki jaandi yàa cogicànbàa n todi o bangima sànu nni.

Laa bogínli go tie yaa yogunu mo ke cogibikpeli bi cogibiciankpelí kuli baa fidi leni yaa bontienkaala/tuada n faali bi bontuadikamoanla maalima nni ki jaandi ki go jigini baa li yaa tié cogibicanbaanyendo, yua n tia ki todi o o bangima yogunu nni.

III. BAN DINI YAABA A BÁLA

III.1. BAN DINI YAABA A BÁLA YENDI YENDO TUONA NNI

A. KU CICI KOANBADIEGU KANI

- O joa Salifu **GANAME**, o lanba li tuonli nni tie **212 350 T**, o tie u loagu leni mi findima tuona tundikoa, bi dini o li báli ke o tua ku koanbadiegu tuona yankpaagidaano.

B. YAA KOANBADIEGU N DIE U LOAGU LENI I LIGI KUBIMA TUONA KANI

- O joa Herimani **SANGIRE**, o lanba li tuonli nni tie **303 063 V**, o tie Bàaló ligidiedi goandikoa, bi dini o li báli ke o tua Kaya logitodieciangu ligikubilo;
- O joa Feridinan **BAMUNI**, o lanba li tuonli nni tie **111 109 E**, o tie Bàaló ligidiedi goandikoa, bi dini o li báli ke o tua yaa cagili n gobidi mi diema nni ti yianbidi buuma bi niba po (ASESEPE) ligikubilo;
- O joa Mamudu **SAYIBU**, o tie **Minteeligbeeli**, bi dini o li báli ke o tua yaa cogidiecianli n cogindi bi niba guunli cógú Tiakubilo.

C. LI GUUNLI KOANBADIEGU KANI

- O joa Tèlè Sorisi kamiyi **SANON**, o lanba li tuonli nni tie **346 241 R**, o tie Polisi komiseeri, bi dini o li báli ke o tua li guunli tuona tundikoa polisinba bangima Cogidiecianli kani;
- O joa Sidiwaña Sié Silivèri **SONGO**, o lanba li tuonli nni tie **211 749 S**, o tie Polisi komiseeri, bi dini o li báli ke o tua a tuona boginma, a bilima leni a ñoadidiidima cagili Yudaano, ti konbadiedi tuona bangima leni a tuonsoanjaana kpaagima tuonsoandieciangu kani.

D. YAA KOANBADIEGU N DIE TI DIEMA LENI DIETOAMA SIIGA NANTAADI KANI

- O joa Birahima **WEDIRAWOGO**, o lanba li tuonli nni tie **104 654 C**, o tie Bàaló ligi tuonsoandiedi tuona gobidikoa , bi dini o li báli ke o tua li koanbáli todikoa .

E. KU DIEGU YEMA LENI TORIYABA KOANBADIEGU

- O joa Hamadé **GIRO**, o lanba li tuonli nni tie **51 683 D**, o tie bi niba yema bangima Tundikoa, bi dini o li báli ke o tua todiyaba leni bi niba yema namu tuona Yudaano ;
- O joa Folijoa Eriki **YONLI**, o lanba li tuonli nni tie **57 236 S**, o tie bi niba yema bangima tundikoa, bi dini o li báli ke o tua mi niñingbadima leni li juunli mi yepaama nni tuona findima Yudaano ;
- O joa Inusa **GONDE**, o lanba li tuonli nni tie **108 588 D**, o tie bi niba yema bangima tundikoa, bi dini o li báli ke o tua yaa tuonjaali n diidi yaa niba n kpeligi yema namu ke gagidima ki ye Yudaano;
- O joa Isaka **BANGIRE**, o lanba li tuonli nni tie **55 789 E**, o tie a biñinda cogidiena tuona goandikoa, bi dini o li báli ke o tua Nando désiyonnni, ku diegu yema leni toriyaba tuona Yudaano;
- O joa Usimaani **WEDIRAWOGO**, o lanba li tuonli nni tie **116 702 S**, o tie bi niba yema bangima tundikoa, bi dini o li báli ke o tua Komowé porovenso nni, ku diegu yema leni toriyaba tuona Yudaano;

F. YAA KOANBADIEGU N DIE TI BUUDI TUONA KANI

- O joa Salifu **SAWADOGO**, o lanba li tuonli nni tie **130 400 L**, o tie Bujialo, bi dini o li báli ke o tua li koanbáli todikoa ;
- O joa Tariwendipanga Eriki **YUGIBARE**, o lanba li tuonli nni tie **59 971 Y**, o tie ti kpaadidiedi guudima polisinba goandikàaba gobidikoa, bi dini o li báli ke o tua u cuonu, li guunli leni a tuona Yudaano;
- O joa Evarisiti **SUGIMORE**, o lanba li tuonli nni tie **240 058 S**, o tie ti kpaadidiedi guudima polisinba goandikàaba gobidikoa, bi dini o li báli ke o tua ti tiadi kubima leni tuona boginma ligiyùli Yudaano ;
- O joa Gingirawogo Fidèli **SANDIWIDI**, o lanba li tuonli nni tie **203 379 Y**, o tie a kpaadidiena guudima polisinba goandikaciamo, bi dini o li báli ke o tua Po kpaadidiegu Yudaano;

- O joa Adama **KABORE**, o lanba li tuonli nni tie **113 355 A**, o tie ti kpaadidiedi guudima polisinba goandikàaba gobidikoa, bi dini o li báli ke o tua a kpaadidiena tuona boginma leni ku kpaadidiegu guudima saliwuudo dalinguYudaano;
- O joa Gesiwende Mohamedi **WEDIRAWOGO**, o lanba li tuonli nni tie **240 038 N**, o tie a kpaadidiena guudima polisinba goandikaciamo, bi dini o li báli ke o tua Jakpaga kpaadidiegu Yudaano;

G. LI LAAFIALI KOANBADIEGU

- O joa Kuami Kirisitofi **KANBIRE**, o tie Minteeligbeeli, bi dini o li báli ke o tua liguunli tuoana tuonsoanbanma tundikoa.

H. YAA KOANBADIEGU N DIE MI TAGIMA TUONSOANDIEDI, U KPENDU LENI U NUU TUONSOANBANMA TUONA KANI

- O joa Nikomèdi **KAFANDO**, o tie li bontagikaala tuonsanbila bandiciamo, bi dini o li báli ke o tua o Tidianyudaano duogili;
- O joa Umalu **SONÑE**, o lanba li tuonli nni tie **111 500 R**, o tie Polisi tuona goandima yudanciamo, bi dini o li báli ke o tua li guunli tuoana tuonsoanbanma tundikoa.

I. U BAADOGU MAAMA TUONA KOANBADIEGU KANI

- O joa Eli **TARIPAGA**, o tie **Minteeligbeeli**, bi dini o li báli ke o tua li guunli tuoana tuonsoanbanma tundikoa;
- O joa Sélesiten Santéré **SANON**, o lanba li tuonli nni tie **47 667 T**, o tie Bàaló ligidiedi goandikoa, bi dini o li báli ke o tua li koanbáli tundikoa mi tuonbanma nni;
- O joa Umalu **SONO**, o lanba li tuonli nni tie **130 408 J**, o tie Bujialo, bi dini o li báli ke o tua li koanbáli tundikoa mi tuonbanma nni;
- O joa Kéligingalé **ILLI**, o lanba li tuonli nni tie **254 888 W**, li kpaagibandili tuona tundikoa, bi dini o li báli ke o tua li koanbáli tundikoa mi tuonbanma nni ;

- **NABAIRE** pua Ayisa Hafisatu /**TURE**, o lanba li tuonli nni tie **216 123 K**, o tie li bonmaakaala nannana tienma bando , bi dini o li báli ke o tua li koanbáli tundikoa mi tuonbanma nni ;
- O joa Romen **KIYELEMI**, o lanba li tuonli nni tie **117 046 V**, o tie a tinbuona tuona gobidikoa, bi dini o li báli ke o li koanbáli tundikoa mi tuonbanma nni ;
- O joa Eriki **BUDA**, o tie **Minteeligbeeli**, bi dini o li báli ke o tua U nuu tuonbanma tuonciamama banma Tidianlo;
- O joa Pengidiwendé Basili Firansua **NIKIEMA**, o lanba li tuonli nni tie **85 128 D**, o tie gadeforenba tuona Goandikoa, bi dini o li báli ke o tua li sancenli tuona tuonsoandieciangu Tidiancianlo;
- O joa Adama **TU**, o lanba li tuonli nni tie **119 405 Y**, o tie polisi komiseeri, bi dini o li báli ke o tua li koanbáli todikoa ;
- O joa Néhuni **NIÑAN**, o lanba li tuonli nni tie **372 815 U**, 7o tie li kpaagibandili tuona tuonsoanlo, bi dini o li báli ke o tua li koanbáli todikoa ;
- O joa Eli **SURE**, o lanba li tuonli nni tie **56 715 D**, o tie Bàaló ligidiedi goandikoa, bi dini o li báli ke o tua ti tuonsoandiedi tuona goandikoa ;
- **SULAMA** pua Teresi Kisiwendisida /**NANA**, o lanba li tuonli nni tie **104 680 U**, o tie a tuona gobidima tuonsoanlo, bi dini o li báli ke o tua ti tuonsoandiedi tuona goandikoa ;
- O joa Musa **SONGO**, o lanba li tuonli nni tie **59 924 V**, o tie Bàaló ligi tuonsoandiedi tuona gobidikoa , bi dini o li báli ke o tua ti tuonsoandiedi tuona goandikoa ;
- O joa Fidèle **SANKARA**, o lanba li tuonli nni tie **39 721 R**, o tie u cógú saliwuudi diedi gobidima tundikoa, bi dini o li báli ke o tua ti tuonsoandiedi tuona goandikoa ;

- O joa Sayidu Madi **WEDIRAWOGO**, o lanba li tuonli nni tie **38 340 W**, o tie u cógú saliwuudi diedi gobidima tundikoa, bi dini o li báli ke o tua ti tuonsoandiedi tuona goandikoa ;
- O joa Seyidu **TARAWORE**, o lanba li tuonli nni tie **92 736 X**, li tanmaali bandiciamo, bi dini o li báli ke o tua ti tuonsoandiedi tuona goandikoa;
- O joa Alegsi **SUNGIRANA**, o lanba li tuonli nni tie **108 904 V**, o tie a tinbuona tuona gobidikoa, bi dini o li báli ke o tua ti tuonsoandiedi tuona goandikoa ;
- o pua Héléni Kipisa **LEMA**, o lanba li tuonli nni tie **96 682 S**, o tie u cógú saliwuudi diedi gobidima tundikoa, bi dini o li báli ke o tua ti tuonsoandiedi tuona goandikoa ;
- O joa Sidiki **SANU**, o lanba li tuonli nni tie **59 691 L**, o tie bi niba gobidima tuona tundikoa, bi dini o li báli ke o tua ti tuonsoandiedi tuona goandikoa ;
- O joa Emanuweli Réle-wendé **KAGENBEGA**, o lanba li tuonli nni tie **117 462 E**, o tie li tanmaali bandiciamo, bi dini o li báli ke o tua ti tuonsoandiedi tuona goandikoa ;
- O joa Monhuo **KANBIRE**, o lanba li tuonli nni tie **52 857 U**, o tie u cógú saliwuudi diedi ligi leni li tiadi bonkubilo , bi dini o li báli ke o tua ti tuonsoandiedi tuona goandikoa ;
- O joa Ali **SINA**, o lanba li tuonli nni tie **32 350 N**, o tie u cógú saliwuudi diedi ligi leni li tiadi bonkubilo , bi dini o li báli ke o tua ti tuonsoandiedi tuona goandikoa ;
- O joa Jan Rafayeli **SONGO**, o lanba li tuonli nni tie **212 428 S**, o tie bi niba gobidima tuona tundikoa, bi dini o li báli ke o tua ti tuonsoandiedi tuona goandikoa ;

- O joa Emanuweli **BENBANBA**, o lanba li tuonli nni tie **101 777 D**, o tie li bonmaakaala nannana tienma bando , bi dini o li báli ke o tua ti tuonsoandiedi tuona goandikoa ;
- O joa Boureyima Jakoabo **WANRE**, o lanba li tuonli nni tie **76 784 Z**, o tie u cógú saliwuudi diedi gobidima tundikoa, bi dini o li báli ke o tua ti tuonsoandiedi tuona goandikoa ;
- O joa Borigia **SONDA**, o lanba li tuonli nni tie **45 324 H**, o tie a bicegidikaana cogicàmbaa, bi dini o li báli ke o tua ti tuonsoandiedi tuona goandikoa ;
- O joa Gawusu **TU**, o lanba li tuonli nni tie **208 039 C**, o tie Bàaló ligidiedi goandikoa, bi dini o li báli ke o tua ti tuonsoandiedi tuona goandikoa ;
- O joa Umalu **SONGIRE**, o lanba li tuonli nni tie **508 199 E**, o tie li baanli leni li coali tuona bando, bi dini o li báli ke o i baanli, li coali leni ti koanbadiedi tuona biigima Yudaano ;
- O joa Firédériki **WEDIRAWOGO**, o lanba li tuonli nni tie **260 021 L**, o tie a tinbuona tuona gobidikoa , bi dini o li báli ke o tua a tuonsoanjaaciama gobidima leni a taanisoanma Liigiyua ;
- O joa Logosina **WATARA**, o lanba li tuonli nni tie **117 047 H**, o tie a tinbuona tuona gobidikoa , bi dini o li báli ke o tua a tuona boginma, a bilima leni a ñoadidiidima cagili Yudaano.

J. YAA KOANBADIEGU N DIE A BONWAALA CÓGÚ, TI MAAMAAMAAMA CÓGÚ LENI TI DIEMA MABUOLI FINDIMA KANI

- O joa Nufu **SAVADOGO**, O lanba li tuonli nni tie **278 899 G**, o tie bi niba gobidima tuona tundikoa, bi dini o li báli ke o tua bi niba gobidima tuona Yudaano ;
- **SUNGIRANA** pua Odeti /**KISIBEDO**, o lanba li tuonli nni tie **36 879 Y**, o tie a biwaala cógú, ti máamaamáama cógú leni ti diema mabuoli

findima tuona goandikoa, bi dini o li báli ke o tua yaa cagili n diidi a biwaala kuama u cógú tuona Yudaano, yaa tuonjaali n gobidi a biwaala leni a bicegidikaana cógú tuona boginma kani;

- O joa Tibuo-ion Romariki **SOME**, o lanba li tuonli nni tie **82 505 X**, o tie a biwaala cógú, ti máamaamáama cógú leni ti diema mabuoli findima tuona goandikoa, bi dini o li báli ke o tua Ioba porovenso nni, a biwaala cógú, ti máamaamáama cógú leni ti diema mabuoli findima tuona Yudaano.

K. YAA KOANBADIEGU N DIE A COGIBIGBENGA CÓGÚ LENI MI BANCANMA LINGINMA TUONA KANI

- O joa Tobidemi Gasiton **DABIRE**, o lanba li tuonli nni tie **334 004 E**, o tie a táana Gobidikoa, bi dini o li báli ke o tua mi bangima, mi bancanma linginma leni mi tuonsoanbangima tuona Yudaano duogili, Iniverisité Fositen Sié SIBI kani;
- O joa Rawogo Noweli **GANSAWONRE**, o lanba li tuonli nni tie **348 127 X**, o tie mi lingima cogicanbaa, bi dini o li báli ke o tua mi lingima leni ku dalingu tuona Yudaano duogili Iniverisité Fositen Sié SIBI kani;
- O joa Anasitaasi **SONDA**, o lanba li tuonli nni tie **78 036 B**, o tie u cógú saliwuudi diedi ligi leni li tiadi bonkubilo , bi dini o li báli ke o tua Bàaló saliwudo leni o ligi tuona Yudaano, Iniverisité Fositen Sié SIBI kani.

L. GUFENEMA LENI A KOANBALA TAANLI TILA DIANMA TUONSOANDIECIANGU KANI

- O joa Bohitere Benua **KANBU**, o lanba li tuonli nni tie **212 182 D**, o tie a tinbuona tuona gobidikoa , bi dini o li báli ke o tua li guunli tuoana tuonsoanbanma tundikoa.

III.2. BAN DINI YAABA A BALA A TUONSOANJAANA YELI PO

A koanbala taanli den baa ban dini yaaba a bala a tuonjaana tuona gobidima po:

- Ti minteelikpaliti tagima tuonsoandiegu (TEKISIFORISI) leni u kpendu cilima tuona puginma a nicaga po puginma (APEKI) kani Bulicina Yudanciamo Badidiegu yeli po ;
- Li cogidiecianli DEEN KANU kani ku diegu yema leni todiyaba koanbadiegu yeli po ;
- Yaligado Wedirawogo lotodieciangu kani li laafiali koanbadiegu yeli po ;
- A masina kpabuoli leni gaasi tuonsoanjaali (SONABI) ki pugini sayeli kunkungaali luma (FILISA) kani yaa koanbadiegu n die mi tagima tuonsoandiedi, u kpendu leni u nuu tuonsoanbanma tuona yeli po ;
- Cogibicanbaanba leni bi gobidikaaba cogidiecianli, Naasi Boni Iniverisite leni Yenbila Abidulayi Togyeni Iniverisite kani, yaa koanbadiegu n die a cogibigbenga cogu leni mi bancanma lingima tuona yeli po.

Moko, a koanbala taanli baa ban dini yaaba li bali ke bi tua a tuona boginma caga liigiyaaba li cogidiecianli DEEN KANU ki pugini a masina kpabuoli leni gaasi tuonsoanjaali (SONABI) kani.

A. BULICINA FASO YUDANCIAMO BADIDIEGU KANI

A Koanbala Taanli taa **masienkaama tila lie (02)**.

Mi masienkaama tikpiali dini li bali yaa niba n tie ne ke bi kua ti minteelikpaliti tagima tuonsoandiegu (TEKISIFORISI) tuona Gobidikaaba cagili nni mi kpiama po bina taa (03) siiga.

A TUONA GOBIDIKAABA BAALO YELI PO

Yaa koanbadiegu n die bu toabu leni u báadogu guudima tuona :

- O joa **Jan YAMEWOGO**, minteeligbengili.

A TUONA GOBIDIKAABA A MASINA KPABUOLI LENI GAASI TUONSOANJAALI (SONABI) YELI PO

- O joa Laminni **TARAWORE**, o lanba li tuonli nni tie **257 157 R**, o tie baalo ligi tuonsoandiedi gobidikoa.

Mi masienkaama tilieli goa ki pandi Samueli **KALIKUNDO** bali, o lanba li tuonli nni tie **51 181 S**, ke o baa yaa tie a tuona gobidikoa Bulicina Faso Yudanciamo badidiegu yeli po, u kpendu cilima tuona puginma a nicaga po puginma (APEKI) kani, li bajuodikaali po bina taa (03) siiga .

B. KU DIEGU YEMA LENI TORIYABA LENI KOANBADIEGU

A Koanbala Taanli taa **masienkaama tila lie (02)**.

Masienkaama tikpiali dini li bali yaa niba n tie ne ke bi kua li cogidiecianli DEEN KANU kani a tuona Gobidikaaba cagili mi kpiama po nni bina taa (03) nni.

A TUONA GOBIDIKAABA BAALO YELI PO

1. Ku diegu yema leni toriyaba leni koanbadiegu:

- O joa Emili **SABISONRE**, o lanba li tuonli nni tie **41 063 R**, o tie yua n gobidi bi niba yema nantaadi tuona;
- O joa Viningesiba **WEDIRAWOGO**, o lanba li tuonli nni tie **43 790 E**, o tie yaa bila n pia poadi gobidima tuona goandikoa.

Yaa koanbadiegu n die u loagu leni i ligi kubima tuona:

- O joa Miseli **WEDIRAWOGO**, o lanba li tuonli nni tie **212 602 D**, o tie u loagu tuona tundikoa.

Yaa koanbadiegu n die ti buudi tuona :

- **Ki** pua Ema Adelaydi **PARE**, o lanba li tuonli nni tie **130 426 U**, o tie juju.

Yaa koanbadiegu n die a bonwaala cógú, ti máamaamáama cógú leni ti diema mabuoli findima :

- **SAWADOGO** pua Emilienni **KONSENMI**, o lanba li tuonli nni tie **52 917 J**, o tie a bonwaala leni ti mabuoli cogu tuona goandikoa.

Li laafiali koanbadiegu :

- O joa Siaka Loran **GANU**, o lanba li tuonli nni tie **49 993 E**, lotoli.

DEEN KANU COGIDIECIANLI TUONA GOBIDIKAABA YELI PO

- O joa Basiru **TARINAGDA**, o lanba li tuonli nni tie **378 090 W**

DEEN KANU BI GOBIDIKAABA DEEN KANU COGIDIECIANLI COGIBILA DANBA YELI PO

- O joa Hamado **SAWADOGO**, o lanba li tuonli nni tie **345 492 P**, o tie a tila bonkubilo.

Mi masienkaama tilieli dini li bali o joa Emili **ZABISONRE**, o lanba li tuonli nni tie **41 063 R**, o tie yua n gobidi bi niba yema nantaadi tuona, ki teni ke o tua a **DEEN KANU** cogidiecianli tuona Gobidikaaba liigiyua mi kpiama po bina taa (03) nni .

C. LI LAAFIALI KOANBADIEGU KANI

A Koanbala Taanli taa **masienkaama tila lie (02)**.

Mi masienkaama tikpiali guani ki pandi o joa Alekisandiri **SANFO** bali, o lanba li tuonli nni tie **51 324 B**, o tie lotoli tuonsoandiedi gobidikoa, ke o kua Yaligado Wedirawogo lotodieciangu gobidikaaba cagili nni li laafiali koanbadiegu yeli po, li bajuodikaali yogunu po bina taa (03) nni.

Mi masienkaama tilieli guani ki pandi o joa Alekisandiri **SANFO** bali, o lanba li tuonli nni tie **51 324 B**, o tie lotoli tuonsoandiedi gobidikoa, ki teni ke o tua Yaligado Wedirawogo lotodieciangu gobidikaaba cagili liigiyua, li bajuodikaali yogunu po bina taa (03) nni.

D. YAA KOANBADIEGU N DIE MI TAGIMA TUONSOANDIEDI, U KPENDU LENI U NUU TUONSOANBANMA TUONA KANI

A Koanbala Taanli taa **masienkaama tila taa (03)**.

Mi masienkaama tikpiali dini li bali o joa Fideli **YUGIBARE**, o lanba li tuonli nni tie **91 279 L**, o tie Baalo ligidiedi tuona goandikoa, ke wan kua a masina kpabuoli leni gaasi tuonsoanjaali (**SONABI**) gobidikaaba cagili nni, baalo pò, mi tagima tuonsoandiedi, u kpendu leni u nuu tuonsoanbanma tuona koanbadiegu yeli nni, li bakpiali yogunu nni bina taa (03) po ; o gaa Haadi Onore **YUONLI** kaanu.

Mi masienkaama tilieli dini li bali o joa Fideli **YUGIBARE**, o lanba li tuonli nni tie **91 279 L**, o tie Baalo ligidiedi tuona goandikoa, ki teni ke o tua a masina kpabuoli leni gaasi tuonsoanjaali (SONABI) tuona Gobidikaaba cagili liigiyua li bakpiali yogunu nni bina taa (03) po ; o gaa Haadi Onore YUONLI kaanu.

Mi masienkaama titaali guani ki pandi o joa Leven Medaari **SIBI** bali, o lanba li tuonli nni tie **200 578 T**, o tie u loagu tuona tundikoa, ki teni ke o kua Sayeli kunkungaali luma Tuonsoandiegu (FILISA) gobidikaaba cagili nni, li bajuodikaali yogunu po bina taa (03) nni.

E. YAA KOANBADIEGU N DIE A COGIBIGBENGA COGU LENI MI BANCANMA LINGINMA TUONA KANI

A Koanbala Taanli taa **masienkaama tila taa (03)**.

Mi masienkaama tikpiali dini li bali o joa Eme Sositenni **WEDIRAWOGO**, o tie minteeligbengili, ke o kua Cogibicanbaanba leni bi gobidikaaba cogidiecianli gobidikaaba cagili nni, baalo pò, bu toabu leni u báadogu guudima tuona koanbadiegu yeli nni, li bakpiali yogunu nni bina taa (03) po.

Mi masienkaama tilieli dini li bali o joa Abubakali **JITI**, o tie cogibigbengili, ke o kua Naasi Boni Iniverisite tuona Gobidikaaba cagili nni a cogibila yeli nni wan tugi bi yuli yaa yogunu banlu.

Masienkaama titaali dini li bali yaa niba n tie ne ke bi kua Yenbila Abidulayi Togyeni Iniverisite tuona Gobidikaaba cagili mi kpiama po bina taa (03) nni.

A TUONA GOBIDIKAABA BAALO YELI PO

Ti diema niba tuonsoanba koanbadiegu :

- O joa Sayuba **WEDIRAWOGO**, o lanba li tuonli nni tie **216 827 H**, o tie yua n diidi a tuonsoanjaana ya ɲua li tuonli balimaama, o gaa o joa Suanyaba Rodirigi OBULIBIGA kaanu.

Yaa koanbadiegu n die u loagu leni i ligi kubima tuona :

- O joa Anbuwaasi **SANKARA**, o lanba li tuonli nni tie **91 268 Z**, o tie yua n diidi a tuonsoanjaana ya ɲua li tuonli balimaama, o gaa o joa Adolifi WUOBA.

A TUONA GOBIDIKAABA A COGIBIGBENGA LIIGI YAABA YELI PO

O joa Inusa **DIONI**, o tie cogibigbengili, o bali baa waagi yaa yogunu ke o tie cogibila liigiyua.



www.sig.gov.bf

Gufenema Ḿasoagindo

Pengidiwende Silibeedi WEDIRAWOGO
O bàà Bàaló jaandi leni Tanjoa mààlima